

勅脩甘肅通志

第二十八册

卷之第三十八

孝義



孝義

三物六行膠庠訓士首重於孝純孝敦倫鄉閭矜式
可以風勵世俗至於慷慨仗義崇尚廉隅敦重然諾
捐貲卹患道不捨遺甘雖邊徼民風淳厚亦時見焉
志孝義

臨洮府

魏辛 穆字叔文狄道人舉茂才為雍州別駕初隨父
鳳達在下邳與彭城陳敬文友善敬文弟敬武少從

甘肅通志

卷三十八

孝義

一

師遠遊久不歸敬文病臨卒以襍綾二十疋託穆與
敬武穆久不得見經二十年於洛陽見敬武以綾還
之封題如故歷義陽太守領戍雅有恤人之志再轉
汝陽太守遇水滌人饑上表請輕租賦帝從之勅汝
陽一郡聽以小絹為調除平原相徵為征羌將軍大
中大夫卒於郡贈後將軍

辛少雍字季和狄道人少聰穎有孝行尤為祖父紹
先所愛嘗呼共食羊肝及紹先卒少雍終身不食羊

肝性仁厚有禮義門內之法為時所重始為功曹參

軍清正不憚強禦請托路絕時稱賢明正始中詔百官各舉所知高陽王雍及郎中李憲俱以少雍爲舉首卒於給事中少雍妻王氏有德義少雍與從子懷仁兄弟同居懷仁事之甚謹閭門禮讓入無比焉士大夫以此稱之

明岳 宗狄道人由舉人任江油縣知縣清苦慈明民愛而畏之去後立碑頌德歸里後爲學宮置祭器二百餘舉宦中俸賞及祖遺產業令子與姪均分之

趙 奈臨洮人會川伯安之孫府學生事親至孝父有疾晝夜祈禱於天父歿哀毀而卒

甘肅通志

卷三十八 孝義

二

曹邦豸臨洮人知縣俊之孫府學廩生善事父母父染疾顧天祈以身代父歿數日不食哀毀而卒遠邇以孝子稱之

雍 蘭狄道人郡諸生母患瘡蘭扼之母卒廬墓三年

楊 豸狄道人父桂戍貴州豸隨戍所竭力奉養桂歿豸扶襯歸里母病篤豸侍湯藥衣不解帶母卒號

泣幾絕舉二親合塋

段鳴鶴蘭州人性至孝父疾顛天求以身代刲臂肉
燔爲灰和湯藥以進疾尋愈鄉人以孝重之孫堅南
陽知府

石 恒蘭州貢生任直隸正定府經歷正統間父喪
廬墓母失明恒顛天祐而愈人共稱焉

唐 泉字本清蘭州人天性孝友母蕭氏病篤嘗割
股和藥飲之而愈與弟海友愛最篤後海卒每食必
號哭不一載得疾亦卒嘗赴京同衛汪姓者沒於京
負其骨歸葬之

甘肅通志

卷三十八 孝義

三

陳 泰蘭州人與弟和極相友愛和卒遺二子曰簡
曰策俱幼泰養育周至不營已出

陳 和泰之弟天順間泰被選從征和念泰年邁且
乏嗣遂請於總戎願代泰往既中流矢官司給輿以
歸病十餘年鍊始潰出及卒毫無怨悔鄉士大夫咸
稱之

周 海字克容蘭州千戶嘗師事段堅篤學好禮以
古人自期居官公勤清慎戎務畢舉事親純孝母嘗

病顛天求以身代妻張氏割股和藥以進母疾遂愈

殷 富蘭州人純篤孝友舉成化丁酉鄉試任樂平縣訓導陞昌平州學正弟曰實曰安曰寧富皆勉以舉業後先俱登鄉薦後寧卒遺孤養育周至不啻已出士林重之

殷 實蘭州人舉成化庚子鄉試學行端毅居父喪三年不入私室丁母憂枕塊寢苫中寒疾而卒

王 麟字廷瑞蘭州人事繼母以孝聞成化間父用以訟繫獄遘疾幾危麟禱於天願以身代尋疾愈詣戍廣西麟代父行踰二年中瘴癘卒於戍所僕負骨

甘肅通志

卷三十八

孝義

四

歸葬於蘭士林皆稱爲瘴江孤孝

蕭 憲字孟章蘭州人端淑純謹性至孝舉成化十三年鄉試以親老不赴會試後授中牟知縣未任而卒鄉人惜之

李 銳字徐之蘭州人監生任四川簡州訓導性敦實好學甘貧不苛取事繼母盡孝撫育諸弟及弟之孤甚厚性行純篤有前輩風卒於官

禹 祥字廷珍臨洮衛人舉成化十三年鄉試任劍

州知州生平廉能性至孝家嘗被火祥惟抱先人主

餘悉不顧

彭 錠蘭州人父早卒事母盡孝嘗客於外有友卒於邱錠負骨還葬不求人知以子澤貴誥贈柱國光祿大夫

張 儒字爲已蘭州人弘治乙卯舉人勤苦有志行事父母克孝事伯亦如父伯無子卒卽奉養伯母於家事如母授新繁知縣未任

蔣 漢蘭州人天性孝敬家雖貧凡力所能者無不奉親邁時新品物親未嘗不忍入口每出飲必先置

甘肅通志

卷三十八

孝義

五

父母所用酒肉而後往人稱孝養

段 增字志崇蘭州人性耿介刻苦問學親歿三年不赴飲燕處家一絲粟不入私室其從妹孀居一子一女增撫愛如子鄉人賢之子續登進士仕御史

李 敦渭源人父早喪母撫育成立敦孝敬異常及母歿遂廬墓側朝夕拜哭萬曆二十八年直指表其

門

羅應誥狄道人府學生事父孝菽水必親捧起居必

親扶壽八十有五卒應誥哀毀骨立旣葬廬墓三年

哀慕如一日

劉 雄蘭州人少失恃力農爲養事繼母韓稱孝韓性嚴急屢被譴責愈加敬謹韓因化爲慈母迨長父命與兄異爨力辭不忍乃以田園讓兄而自取敝廬至於葬舅喪焚負券鄉人最重之

陳 鑑蘭州人以孝聞里閭母歿哀毀踰禮不入私室者三年事師孟生極厚孟將終托孤寄金帛於鑑其後孤成立悉還所寄封識宛然鄉人咸服其義

王 純字原誠河州人竑仲子事父母寒暑不怠以

甘肅通志

卷二十八

孝義

六

父廢國學生修業未竟聞母疾不踰月鬚髮盡白疏乞歸養詔允之例授狄道縣丞侍疾顛天請以身代比卒悲痛三日不食哀毀踰禮旌表

楊 均蘭州人立心制行邁出等倫父及伯父早卒均孝事伯母及母撫姊遺孤營舅氏喪篤於恩義人所難及

任 重蘭州人弘治初庠生母卒廬墓三年有盜犯廬所欲切衣糧重守墓號泣盜感其孝遂去

王朝相狄道庠生從遊楊繼盛之門清操不苟一日

市有遺金呼遺金者還之繼盛贈其門曰十兩白金
輕一芥百年清操重千鈞後三世孫王汝明登第
楊啟蒙狄道人萬曆中爲郡推官吏時學政嚴有五
廩生得罪推官欲揭以行劣命蒙錄過蒙請曰五生
半世寒帷休之一旦小人弗忍請之至再推官怒咎
之蒙叩頭流血堅辭而出曰吾不忍以刀筆殺子孫
次早推官呼蒙至曰予因汝言五生劣狀俱焚之矣
嘗聞有陰德者必大其門閭爾子孫必有登第者其
子行恕果登天啓二年進士官翰林院庶吉士

甘肅通志

卷三十八

孝義

七

曹守忠蘭州人性慷慨萬曆初兩遇奇荒煮粥救饑
全活甚衆又出其積粟平價出糶流離者資助還鄉
貧病者施藥療治嘗道以義民旌之

李守文蘭州人幼有至性母李氏甫二十餘孀居多
疾文晝夜侍湯藥及長夜必數起視寒溫家雖貧竭
力以供甘旨母壽八十奉母五十餘年畧無懈志內
外以孝子稱之

駱興周蘭州人幼年喪父母郭氏孀居四十餘年竭
奉甘旨曲體慈心微聞母愁戚聲伏榻婉慰竟夜不

寐撫姊妹四人情義切篤肅藩旌曰母慈子孝
趙重琮臨洮人指揮使掌衛事十餘年先是屯政多
以常例病民琮力革舊習萬厯中捐粟千餘石賑饑
存活甚衆尤通經史雅意文學每以屯政所贏厚資
興禮士林重之屢有戰功受上賞官至鎮國將軍
廖 恕狄道人性至孝家貧葬母負土築墳搆茅茨
以廬墓者三年

張行敏字公孺狄道人舉天啓辛酉鄉試淹貫六經
諸子刻陰隲文以自佩嚴冬捐資煮粥人皆德之仕

甘肅通志

卷二十八

孝義

八

觀城知縣甫三月會李逆之變挂冠歸里天性孝友
言動有法郡子弟皆矜式焉

張漢俊字今房臨洮衛人舉天啓丁卯鄉試三歲喪
父其母與大母俱孀姑婦相守紡織撫孤稍長日夜
悲思其父孝事母若成人肆力經史以理學自期言
不妄發人不妄交人皆重之與兄漢傑同居友愛諸
戚貧者代爲婚嫁賑窮周乏恤孤養老望重一時以
疾卒於家

張 旺狄道人生平積行累仁嘗一日平旦入城拾

旅人金三百五十鍔密藏僧舍候至午見二人號泣
詢之二人備道遺金情事旺盡還之毫不受謝後孫
萬紀登進士

袁應舉臨洮人幼讀孝經小學心佩之事親色養父
母亡合葬之廬墓三年朝夕悲號不入家門日手作
三坯及三年成大塚後生孫玠博碩宏通爲時大儒
所著有卧雪集六卷傳於世

李一桂臨洮人郡庠生性純孝天啓中父柱材授靖
邊學正陞四川渠縣令未赴任卒桂奔喪扶柩中途

甘肅通志

卷三十八

孝義

九

被劫資斧一空時值隆冬雨雪桂鬻身衣覓人同已
輿觀及衣盡乃抱柩號泣仆地適上官經過捐給路
費始得扶柩歸葬

皇清喬漢儒渭源人庠生家貧父早亡母侯氏儒躬畊侍
養誠敬不衰及沒後膝行搬土成墳廬墓三載

吳成德河州人初喪父哀毀骨立葬之日卽廬墓以
母故朝侍母夜廬墓周年始歸母沒旣葬廬墓三年
酒肉未嘗入口人歎以爲難

朱祚長字敬符金縣人三歲喪父祖父父母撫之勤學

勵志祖國弼任河南河內縣丞卒於任聞訃哭死復
甦事祖母純孝會土寇破城欲殺其祖母長挺身願
代賊感其誠兩釋之

張經綸狄道人素精醫術與郡人許虎臣爲莫逆交
未幾臣夫婦俱亡遺孤幼家且貧綸禮葬臣憐其孤
曰余與臣善若子卽余子也納諸家撫育如已出比
長就外傳尋以女妻之傳以醫術與已子平分其產
郡人皆高其義

劉煥然字文甫金縣人庠生爲人清潔寡欲貧淡自

甘肅通志

卷二十八

孝義

十

甘順治七年拾銀百兩俄而縣役李通本呼號尋覓
不獲蓋遺失領解餉銀也煥然還之

朱程 俊會州人紹興初居栗亭之泥陽鎮俊幼時父母陷於夏常號泣自毀逮長捐家財數十萬以贖未至日北向號泣寢食俱廢夏人感動還其母邵氏俊日夕承順奉養周至又事族兄恭謹撫諸弟友愛臨母黨百餘口服食器用必與已同鄉里稱至孝

元劉文德安定人父病三閱月朝夕侍湯藥恭敬弗懈父卒葬廬墓三年五辛不入口時有白兔異草之瑞有司舉爲孝廉授鞏昌衛經歷

甘肅通志

卷三十八

孝義

十一

明曹敬德親沒廬墓三年

康 堯寧遠人宣德年民饑堯輸粟千石有司以聞勅賜冠帶至今號萬石康家

成 勲隴西生員親沒廬墓三年

張世昌隴西人父母歿前後廬墓六年

關世安隴西生員父玆年八十餘卒世安哀毀幾絕旣葬廬於墓側日績毛線自給偶值兵變鄉民驚逃世安墓居自若致白鼠群鳥之異

張世恩安定人父母請戍海南客死數萬里外世恩

朝夕號泣幾至殞絕乃盡鬻產業竟航海扶柩而歸
張宗讓鞏昌衛人幼孝得一味不奉親不入口及長
鬪家遘疫父母兄弟皆死號泣屍側治喪而疫不染
有子七人亦能孝

那自明鞏昌衛人母卒負土築墳廬於墓側三年晝
夜號泣形銷骨立

石友瑨安定人輕財重義每歲荒粥以賑饑棺以葬
亡邑人頌之成化間大饑瑨輸粟千石及豐都御史
馬文升令民償粟瑨不肯受文升義之表授正七品

甘肅通志

卷二十八

孝義

十一

冠帶孫瑛大名府教授素有孝行邑令榜其閭曰世
孝義之門

徐徹隴西人平遙縣令諸生時事親色養備至不
求人知嘉靖甲子將赴省試宿於逆旅主者曰君非
隴西徐徹乎對曰然主者曰吾早起聞空中人語隴
西徐徹以孝中今科四十二名榜發果如其言

魏文曇寧遠人成化間隴右饑文曇輸粟二千石有
司聞於上勅賜七品冠帶

漆金伏羗人天性至孝母張氏病卒金哀毀踰禮

旣葬廬墓三年號泣如一日有玉兔白狼遶眠塚上天雨電惟墓所週圍十里不害其稼人以爲孝感所致弘治五年旌表

吳瑛靖遠衛指揮少孤母馬氏撫育成立及嗣職事母孝歷官都督俸資胥歸於母惟母分給諸弟共食一堂一日母疾醫曰人肉可療瑛遂割肉投粥母卽愈官至總兵

高文靖遠庠生父俊歿於陣家寒諸弟冲幼竭力事母友愛諸弟嘉靖七年赴中衛糴糧忽心惕卽馳

甘肅通志

卷三十八

孝義

三

歸果母病弟武亦往河南經歲適至三日母卒鄉人皆稱至孝所感

張總靖遠人篤於好善明末大荒饑民死者不可勝計總獨捐貲雇夫掘大坑各處收埋屍骸三千有餘衛人義之

劉世經岷州舉人任直隸深澤令好古博學力行孝弟旣葬親廬墓三年

皇

清楊純臣字衷丹漳縣人性至孝五十八歲舉會試第

五事母備極色養侍側不忍違離母亡哀痛時年已

六十二歲每出入必拜母主既葬始筮仕青城令清累年賠苦蠲無藝之征釋舊令之羈輸費米立義倉善政種種告老歸青人扳轅號泣觀者歎息年八十一正襟危坐而逝

周 祚寧遠人歲貢生明末甲申之變邑諸生溫元春等倡義不成死於是賊謂寧遠皆頑民將屠之衆詢懼計無所出祚曰舉事不成死自其分貽禍桑梓使一邑無噍類可乎吾固不惜七尺軀以請一邑之命獨往賊營見僞侯袁某百端開譬始免一邑於難

甘肅通志

卷三十八

孝義

四

邑人頌之

周之正寧遠人庠生家貧力學以行誼孚鄉里旦日出行官道見遺囊拾之至家視之中皆白金及銀器私念此必官府遺物卽持物尾至縣果某官差役所遺已妄訴無辜刑訊不服正卽出其囊曰此非遺物耶令大喜詰其人叩頭服罪實不知遺所妄意衆人以自解耳令于是具始末及正素行請於上官表其閭且置義田若干畝以旌之

吳元孝靖遠人家貧一日偶見道有小包拆視之乃

黃金一兩九錢候至晚不見有覓者次日潛至南街
布店見失金者與店客相爭元孝詢其故果所拾物
罄數付還衆論稱之

甘肅通志

卷二十八

孝義

五

平涼府

明馬 襄靜寧州人永樂八年入貢任魏縣丞性至孝
凜遵庭訓每事必告值父疾躬侍湯藥夜不安寢父
疾尋愈與母皆八十餘終襄哀毀骨立幾不欲生廬
墓三年猶孺子號德孚於人久而無間人皆稱道不
置云

桑 桂平京人成化間舉人授大名府通判廉靜好
古重風教酌定禮儀鄉人踵行初母宋氏疾篤領天
割股疾愈後在京師父卒於家終身悲號追思想像

甘肅通志

卷二十八

孝義

七

以祀之人咸稱其孝

趙 玉平京人正德二年省親平谷途拾旅金二百
兩還之以貢任元城雷化學博實心課士循循善誘
登科甲者十餘人子時春貴贈翰林院編修

侯 政平京人監生母疾危晝夜禱天祈以身代割
股和藥以進母疾愈後任濟陽知縣聞母喪悲號不
食而卒

常 經鎮原縣庠生以孝稱於鄉親有疾侍湯藥衣

不解帶者四年及卒依喪次讀禮終制未嘗出戶庭

入私室嘉靖時旌其孝

蒲 政崇信縣學生孝友純篤廬墓三年生平足不履公門口無擇言追踪古純儒

胥 恭固原人父亡哭三日勺水不入口遂致疾終喪始愈事母呂氏年七十邁宿疾衆藥弗效恭齋沐顛天祈以身代刲股和藥飲之母疾愈齒更生髮反黑壽至八十七卒人以爲孝感所致

閻 漳涇州人好古力學博通經史累舉不第以貢入太學家居甚貧事親內外稱孝父中憲歿三年不

甘肅通志

卷三十八

孝義

七

入私室母疾衣不解帶朝夕親嘗湯藥母雖無疾每夜必數起赴寢室外察氣平息年踰六十敦行不怠雍朝相涇州人家素貧窘事母極孝盡力以供蔬水之歡母有疾弗愈朝相割股肉和羹進食而愈母沒三年守墓不如葦葦時追慕哀痛聞者悲之

劉 芳靈臺人父母合葬廬墓三年披髮頂土赤足膝行填其墓塚約五丈餘

王 化靈臺縣庠生素以孝聞父染重疾化嘗糞割

股父疾卽愈後父卒母哭失明化顛天號泣舌舐再

明及母逝與父合葬廬墓六載化盜饋食至愛弟讓
產與之博施粟布以濟饑寒給藥調病捨棺殯孤時
稱關西孝子

姚謹獨靈臺人爲人敦厚敬慎有古君子風事親竭
力承歡友於兄弟產業盡讓其弟平生好善樂施人
稱爲孝子義士

張企仁靈臺縣廩生葬親廬墓三年妻亡終不更娶
以孝義旌表

薛 湘華亭人天性至孝母沒廬墓三年

甘肅通志

卷二十八

孝義

六

張四恩華亭人家有蓄貲喜施予不責其報萬曆中
歲饑民多殍恩白縣令願出粟五百石賑之賴以全
活者甚衆事聞以尙義旌之

萬邦寧靜寧人家貧力學父早逝母孀居邦寧奉養
竭力母病醫藥哀號動人及卒廬墓三年

高 位靜寧人親疾祝於天割股以進親疾尋愈及
卒廬墓三年後經旌表鄉黨稱爲高孝子云

董 魯隆德廩生母李氏病危昏憤七日魯顛天割

股合藥以進母病隨愈壽登九十人以爲孝感所致

王秉衡字初暘平涼人萬曆乙酉舉人仕至河間府同知性孝友嫂性嚴每怒詈令其妻跪受之兄死遺子四人皆撫訓爲諸生以已產分諸姪與子適均遇諸族人及內外親無一不篤厚教子姪甚嚴遇賢士必敬禮聞人有過常正言責讓一時鄉里士人咸敬憚之

張麟字天瑞靈臺人以歲貢授榮河丞清廉奉公子病思食魚僧饋一魚給以俸乘歷任六年或公出受民食必以俸給價居家執喪三年不與妻言每遇

甘肅通志

卷二十八 孝義

九

生日靜坐哀思滋味不入口適邠州遇盜劫所乘驟并行李曰此驟非鞭不行吾尙有鞭以遺汝盜驚曰必靈臺張古人也盡還所劫羅拜而去麟平日教人不倦非禮不行故邑人稱爲張古人

張金榜字耀吾平涼人性剛直倜儻尙義氣聞人有不平事輒挺身出爲直之不避權勢以歲貢授商州訓導州士數爲強豪侵虐金榜至集諸生訓以恪守學規母于紀敗度及預外事苟有非意之侮吾爲爾

任無何王生某有田數十畝巨室欲之密屬州判困

生生以田遺巨室求解金榜墜之力辭官判與巨室俱詣學謝讓以大義遂不奪生田李自成初陷商南殺令屠城監司檄金榜署縣事金榜掩死骨招遺民厚爲撫恤請蠲田租三年舊例蠲租不蠲徭徭爲縣費金榜一切貸之遷寧州學正歸

陳 典字五典平京人少讀書警敏開卷卽能見大義文章力追史漢不落尋常蹊徑爲博士弟子員表表諸生問生有至性執親之喪卧苫食蔬終三年如一日

甘肅通志

卷三十八

孝義

三

李 楹隆德人家貧負薪以供孀母明末奇荒妻一子三不令分母之食妻子餓斃奉母董氏獨生鄉人媿美郭巨焉

董 俊隆德人與弟任並至孝俊以貢生授温州府訓導歸家母喪未葬賊入城殺戮人競奔匿俊與弟還守柩前號泣不肯去賊不忍加害

左 旋涇州人性孝友爲府掾奉孀母盡禮兄轉早卒遺二子愛踰己子祖業盡以遺之與二弟友愛無

間撫弟姪成立涇人推其孝友後官遼陽經歷遷雅

州判郡守范岡旌其門

曹 麒字文瑞華亭縣監生勤學多識邑舊事始撰縣志爲人和易孝友教諸弟諸生皆有法北城土惡數潰輒徵民治之監工者因取賂剝民衆以爲患舉麒督治麒使貧者負善土富者輸材木瓦石工用咸備因繕修亭堞半載完美

張良金鎮原人山海衛教授有孝行親沒廬墓當道上聞旌表

朱 勇平涼群牧所千戶五世同居旌表其門

甘肅通志

卷三十八

孝義

三

石德贊華亭人萬曆間貢任夏縣少尹持躬清勤以義自律一監生有冤獄賂三百金求伸贊廉得其情卻其饋立爲直之居家歲饑募邑煮粥所活耆衆

陳 篤靜寧州人萬曆間貢歷鞏昌階州學正母病痿篤左右善事母逝破產營葬手植松檜廬墓三年

丁 甸 景 樂 王重福 張廷弼 閻朝義俱

涇州人萬曆十年大饑尙義輸粟加冠帶不就甸粟二百石重福六百石廷弼二百石朝義二百石樂二

百石院旌其義

朱氏二孫平涼人失其名年甫垂髫往莊取租兄爲賊所獲弟已潛匿聞賊欲殺兄卽挺身出求以已代兄死兄亟麾弟去語賊曰願殺我請釋弟兄弟爭死不已賊并殺之

皇清馬從龍固原州人歲貢任工部屯田司主事從龍九歲喪父事母孝母病衣不解帶母歿廬墓三年教幼弟及諸姪有成共爨讓產非公不入官署

王宗鶴字聞天靜寧州人順治四年貢性孝友鶴祖遺少子于鶴叔父也方數齡祖歿飲食教誨鶴必篤

甘肅通志

卷三十八 孝義

三

敬少叔學於鶴每復書鶴必立聽不敢坐有佳餽必問少叔嘗否然後舉至成人無間性不與物競家亡驢一日馱布入門家人欲執之鶴不可曰是將爲市商累也通庠舉優行學使欲旌之鶴固辭曰是將形劣者短也終身不入城市齒德兼優

胡廷佐平涼縣人由選拔歷官淮徐兵備僉事居官多善政處鄉里敦厚和平能周人急難時府縣兩庠以拖欠錢糧被黜者七十餘人佐皆代爲完納悉復

其名人咸感之

尹廷弼平涼縣人歲貢生讀書刻苦性嚴正遇物少
容事有不可卽拂然去人有不善卽正色切責之三
十失偶終身不再娶人皆稱爲義夫後授文縣訓導
楊金玉固原州人城守營兵康熙十年拾里民糧銀
二十七兩五錢還之

陳大寅固原州人孝友和睦篤於本支七世同爨

慶陽府

明高 雄慶陽衛人正統間兄通販淮鹽久絕音問雄方弱冠遍訪江淮閱數歲始知兄爲鹽徒陳景諒所殺具控江都令諒賄囑公私不得理令以利誘之曰汝兄旣死盍相解和雄不從竟坐諒死得兄屍歸葬鄉人義之

衛 鏞慶陽衛人舉正統六年鄉試長鬚偉幹面如冠玉力學修辭不愧前人事繼母最孝鄉黨以純德稱之

甘肅通志

卷三十八

孝義

三

徐 詳慶陽衛人舉景泰間鄉試父卧病三年詳躬侍湯藥頃刻不離日夜顛天願以身代及父歿晝夜哭泣哀毀骨立勺水不下咽期日而死有司名其坊曰孝子門

魏大用慶陽衛人早歲喪父孀母卧病七年大用躬侍湯藥無時刻少懈及卒哀毀過甚哭泣至於喪明廬墓三年負土成墳在衛城西原畔三里人指爲孝子墳

王 良慶陽衛人良方在姪父恭遠出商販莫知所

之及長貢入太學遂辭母貢父所在徧歷江淮忽夢
老人曰何苦遠遊汝寧爾父在焉隨至果遇時父年
八十餘不能歸良盡醫衣裝備輿而還時稱王孝子
錢 經慶陽衛人早孤事母撫弟以孝友著宗族鄉
里無間言死之日自士大夫以及閭巷無弗痛悼者
倪 斌慶陽衛人襲指揮父病醫藥罔效每夜焚香
告天願以身代割股和羹父果瘳人謂孝感所致

劉 英寧州人年二十八始奮志讀書晝夜不輟三
載登成化甲午鄉舉秉性公直嘗出粟救荒全活甚

甘肅通志

卷三十八 孝義

五

衆以親年老朝夕奉養不仕

趙 壁慶陽衛右所千戶少有大節力能搏數人善
騎射好讀書通春秋左傳都督仇廉器其才能拔置
帳下天順間從廉出征戰於莊浪師潰廉中五矢壁
以身翼蔽不去廉知其爲已遂自刎壁乃奪路而出
賊莫敢追後年七十餘臨終謂其家人曰吾生平所
恨未得與仇將軍復讐耳子孫勿忘吾志

李 恭寧州人慷慨好施成化中大饑恭捐粟千餘

石賑本州及真寧民全活甚衆州守旌其義

劉廷燧寧州人正德間鄉舉事親最孝及歿廬於墓側三年妻妾不使饋餉

趙璋環縣人事親至孝母卒廬墓負土值大水家產漂沒恬不爲意卒終三年每夜有野雉伴廬而宿人謂孝行所感嘉靖間詔旌其門

楊來鳳安化人少販江淮事親以孝聞父歿年已逾七十哀痛七日不食及葬廬墓三年事母朝夕不離至白頭強爲壯容娛母母壽逾九十人以老萊子擬之嘉靖間詔旌其門

甘肅通志

卷三十八

孝義

三

楊雲鳳安化人字應祥太學生爲汾州吏目頗以清幹聞爲人儻好施子嘉靖戊子歲大饑雲鳳與弟雛鳳設法全活頗衆丙午邊事嚴急南關居民數萬人一時爭入門有死者賊退雲鳳倡率居民請於官願捐已資築城以爲民望不期年而告成郡人賴焉已酉大水暴漲南關居人漂沒殆盡獨雲鳳一門無大小得登前樓免患人以爲陰德之報

趙一夔安化庠生嘉靖己酉秋大水南關居民漂沒殆盡夔爲人所援得登岸聞母已溺復投水覓之不

得俱死有子方數歲亦同入水忽於波浪中得渡人謂孝感所致

蔡蕃慶陽人爲人莊雅溫厚言動循禮少有文名父病扶掖起居奉侍湯藥未嘗離側初授寧國丞有政聲以母憂復除費縣陞大寧令民有去後之思歸隱於河西圃每入城市見其皓首龐眉人爭從之以爲耆德歸焉

康錦慶陽人世襲千戶有膽畧敵寇邊將至城下錦單騎往探之遇敵前鋒卽短兵突擊身被數劍卒

甘肅通志

卷二十八

孝義

七

能拔歸母歿哀毀骨立又念祖父陣亡三世皆寄殯各邊特匍匐輿榧歸葬卽廬墓側負土築封踰年親友以錦衰年乏嗣強之歸不從其忠孝蓋天性云

閻應儒字一菴寧州人隆慶庚午經魁性至孝幼家貧茹苦攻惟志期顯親初授山西孟縣教諭歷陞雲南廣西府通判所至有政聲時滇洞苗爲亂應儒出奇制之克就底平致仕歸闕鄉里恤宗族年七十餘歿市巷皆爲震哭

李澄環縣人母病二年雙目俱盲求醫百方弗效

澄自檢藥書得羊肝補目之說乃曰以羊補不若以人補以子補母是爲還元其效必矣遂焚香告天刺脇割肝一片和羹以進母食之一夕病釋雙目復明澄亦無恙人謂至孝感神呼爲李割肝子杲以恩拔佐獲鹿忠蹟在獲鹿志中

李棟澄之子早失怙母罹風疾百治弗效因建孫

真人祠朝夕泣禱後夜夢一道人來醫病果愈

荀鈞環縣人天資孝友賦性磊落不事詩書而禮

義不失大節凜然嘗督修庠序每出已資以助有司

甘肅通志

卷三八

孝義

天

重之與列鄉飲事嫂節婦周如母待姪志仁無異已

出德義著鄉里

張人經合水人三世同居經益敦孝友且賦性慷慨

年饑輸粟賑貸歲熟貸者償之不受人目爲義士

曹瀛寧州庠生家貧至孝父死京邸不能舁歸徒

跣負骨而還樵採奉母母疾爲泣禱潛割股和羹以

進母遂愈士民公舉府州表其門

王復古寧州人七歲失怙母年二十五守節無育稍

長奉母盡孝母嘗患一頑瘡百方罔效幾危古泣禱

自割股啖母旬餘大愈母年八十四

董入絃寧州人貢生父歿廬墓頂土築墳後母病篤醫藥弗瘳絃顛天願以身代偶遇一僧望氣投餌母飲之吐塊如石而愈覓僧竟不知所之咸服神異督學旌其孝

傅 偉寧州人母久病目瞶反背貧不能延醫哭禱於神自割股肉假湯藥跪進病頓愈瞶睛如初

陳志聰寧州人親歿廬墓三年手掬土成墳鄉里重之

甘肅通志 卷三十八 孝義 无

強不息安化人節孝傳家親歿廬墓於河西樊家坪

負土三年未嘗少懈天啓丙寅欽賜節孝雙全碑

楊維勤安化人節婦強氏子事母至孝博物冷閭經

史過目終身不忘家貧廣授生徒藉束脩以奉母雖身無完衣而事親必極滋味

方允德環縣人庠生性至孝敦睦族黨尤尙氣節賜

貧乏曾焚券百紙遇變堅守孤城死難

李 萃安化人廩生父病祈禱願以身代及闖賊破

城力戰被執大罵賊義釋之創建義學造就邑中子

弟人感其德所著有志孝圖解

仇傳香真寧人中庚午鄉舉事親至孝朝夕定省四十年如一日父病五載日侍湯藥父減粒則已輟食嘗糞以驗其輕重居三年喪哀毀骨立事繼母友兄弟內外無間言

楊光才寧州人事親以孝聞嘗遇失金投河者詢其數以二十金對才出已囊償之明末歲饑捐資賑粥全活者衆督師洪承疇餉匱才以豆二百餘石慨助王師督師義之旌其門

甘肅通志

卷三八

孝義

三

栗有恩寧州人性長厚嘗出粟救荒不留餘資郡士大夫稱重之州守屢延鄉飲固辭不起楊督師撫賊神一魁等恩慨以身許質於合水賊義之拱手以降當道屢旌其門

朱用賢字蓋齋寧州人生員孝繼母撫幼弟助人婚葬周給貧乏嘗焚券百餘紙倡衆捐資砌南門坡成南河橋董建文昌閣勸人爲善至老彌篤年八旬無疾而逝

楊光柱寧州人明末屢遇奇荒俱出粟賑貸負債貧

不能償者焚其券三百餘紙鄉人德之

王 儋寧州人明末大饑斗粟三兩貸粟數百石以活人不計其償

閻鳴陽字文瑞寧州人博通經史善屬文孝弟謹樸親睦族黨尤好施予賑饑恤苦罄囊橐以行其志垂老甘貧畧無怨言督學使優旌其門

王 訪環縣人因兵馬缺糧捐米豆五十石兵丁得食大獲全勝將領官給銀二百五十兩堅辭不受有司旌其門曰義助軍糈

甘肅通志

卷三十八

孝義

三

李 芳安化人李自盛家僕主既破家寄食於芳芳事之愈謹適賊有仇芳者執其主縛之且曰我得芳乃釋芳主遂毅然赴之主還芳見殺

皇清穆三益眞寧縣人母沒頂土築墳廬墓三年

甘州府

漢吳詠張掖人爲護羌校尉馬賢所辟後爲太尉廳參掾參賢相誣罪應死各引詠爲証詠計理無兩直遂自刎死參賢慚悔自相和釋晉涼州刺史張軌祭其墓而旌其子孫

元寧豬狗山丹衛人母年七十餘患風疾藥餌不效豬狗割股啖之遂愈歲餘疾復作不能行豬狗手滌溷穢護視甚周造板輿載母夫婦共舁行田園以娛之後居喪盡禮鄉人稱之

甘肅通志

卷三十八

孝義

三

明徐行甘州人儒學生少喪父事祖孝成化間祖卒廬墓都御史唐瑜奏請旌表其門弘治壬戌母病復割股啖之

毛剛甘州右衛軍性至孝居喪廬於墓側有司上其事旌表其門

應壽甘州後衛軍家貧竭力事親母病割股啖之後父母俱喪壽結廬墓側三年不飲酒不茹葷朝夕悲號止有一子或月一至以饋菽粟

皇清馬負圖張掖人明末闖賊陷城巡撫林日瑞抗節被

害一門俱殉無收殮者負圖同郡人賈大玉收口瑞並其家人屍殮之後負圖令其子天祿大玉令其子文衡爲扶輿送歸故里巡撫黃圖安大加優獎給額以旌之

賈大玉見馬負圖事內

馬俊昌張掖人順治初年闖寇雖平甘鎮兵餉莫給昌助銀五千兩以濟軍需總鎮旌其門曰捐金助國後逆回之叛黑城兵糧不足昌復助一月糧兵賴以安張勇時爲總兵至其家深嘉慰之

甘肅通志

卷三十八

孝義

三

張毓秀張掖人性至孝時年十八其父嵐年六十久病諸藥無效秀割股佐湯藥以進父病遂愈越三年父以無病端坐而逝

劉子奮甘州鎮營兵路拾遺金五十兩待至次日失主至原封與之

姚廉張掖人監生自幼孝心篤摯竭力事親先是母卒因父老不得遂其廬墓之志在家長齋茹素三年及父卒遂廬於墓側寢苦枕石晨夕哭奠至雍正三年冬廬墓將及三年會他生辰酌祭一慟得病死

於墓所雍正七年具題

旌表

甘肅通志

卷三十八

孝義

滿

涼州府

明魯 麟字玉書平番土司人官南直提督恂恂有儒將風尤重士大夫語所親曰勿爲南人所笑洎致仕家居好義樂施建修學宮泮池捐助腴田百畝爲宮牆補葺費值歲荒散米麥千石周鄉黨急煮粥全活饑民甚衆人皆呼爲活我魯公

石韞璧字德輝古浪縣人弘治時廬庶母邸氏喪於西山下孤守三載猛虎入園者數並未嘗遇害人皆駭異以爲孝感所致有碑勒孝行載入縣志藝文內

甘肅通志

卷三十八

孝義

三

孫奉先永昌縣生員朝夕供子職盡禮父母有病輒籲禱求欲代及卒哀毀骨立及葬後廬墓三年

武登雲永昌縣人父病飲食肉苦無資遂割股肉以奉父病果愈

顧 言平番人事母彭氏啜菽飲水極盡其歡弘治八年母年八十有七卒言時六十有七以號慟而歿李 讓平番人性孝友與弟訓甚歡愛訓卒每時號哭父喪廬墓三年年八十一卒

皇清郭懷德武威貢生素以孝聞父病親嘗湯藥克盡子

寧夏府

唐侯知道程俱羅俱靈州靈武人居親喪穿墻作塚皆
身執其勞鄉人助者卽哭而卻之廬墳次哭泣無節
知道七年不止垢塵積首率夜半傳墳踴而哭鳥獸
爲悲號李華作二孝贊表其行曰厥初生人有君有
親孝親爲子忠君爲臣兆自天命降及人倫背死不
義忘生不仁過及知就爲之禮文至哉侯氏創巨病
殷手足胼胝以成高墳夜黑飈動如臨鬼神哭無常
聲迥徹蒼旻直斬三年爾獨終身嗟嗟程生其哀也
甘肅通志

卷三十八

孝義

七

均顧後絕配瞻前無隣

明王

綱字子敘寧夏指揮綸之弟母喪廬墓足不履

城郭者三年事聞宣德中旌表

安廷瑞寧夏監生自始祖安禮保至千戶廷壁與廷

瑞六世百口同爨家門雍肅事聞旌表

茅 貴寧夏人正統五年寧夏大饑都御史金濂請

於朝設預備倉勸鎮人之尙義者各輸粟三百石以

賑饑奉旨旌表其門同時輸粟者有杜海朱禪焦原

趙文德虞海韓寅黃銘葉榮孫俊繆顯葛謙陳祥張

敬唐顓管矩吳仲名並貴十七人

吳 過寧夏人嘉靖庚子舉人歷任袁州府同知嘗
出廩粟賑饑多所全活後聞變爲母棄官官著廉明
鄉稱孝友

徐 勇靈州人事母孝謹母年九十有四勇自少至
老凡飲食起居未嘗刻離鄉黨稱之遭劉東陽之變
率守孤城兩獻俘馘

趙 誠靈州人奉繼母孝母歿朝夕哭奠齋戒三年
如一日

甘肅通志

卷二十八

孝義

三

李 雲寧夏人父兄罹呼劉之害最慘雲以遺腹子
賴母氏苦節鞠成陞左參將奉母盡孝居官盡職尤
熟練屯政致仕後當事委重挑濬渠工

萬人重寧夏人明季道拾銀三十兩係旗甲張加義
完官租之銀人重悉以付之

明三畏寧夏人明末輸粟三百石以助兵餉

陳 謨萬曆間中衛庠生與西安客孫尙義友善孫
病故遺子尚幼謨撫之如己子孫子長將回籍謨舉

其父所寄銀百兩米百餘石付之錙銖不染

皇清鄭興基後衛花馬池人爲後衛弟子員值年荒其父爲虜掠去興基詢知父在板城隻身徒步趨父所板城在北口外道經山西時晉省大旱人相食興基奮不顧身決意長往尋至殺虎口得達板城父子相見抱持大哭見者俱感動有喇嘛僧憐其孝贈馬二匹銀十兩衣二襲令其歸興基遂奉父旋里

馮爾暉寧夏人順治丁酉副榜孝事節母王氏母終爾暉廬墓三年

馬中驊寧夏等衛學生至性過人嗜先儒語錄每日

甘肅通志

卷三十八

孝義

元

正襟默誦親喪廬墓三年鎮人稱之

岳應孝咸陽人寄居中衛推魯愿謹素貿布有貲數

百金人貸輒與或不償亦不往索夫婦織毛資生少

有所積猶濟貧不已鎮靖堡被賊陷有王氏老嫗無

所依應孝迎養于家貧者生子不育棄於野犬齧之

血淋漓尙未死孝見而抱歸覓婦乳之長成臂足醫

痕猶在也有賣兒於他鄉者母子號泣不忍離孝與

原值贖歸道拾金持白於市三日未得其人歸納之

確中越數日有踵門哀求者質其數符還之其行如

此

周調元後衛庠生年十四爲流賊所掠置營中賊復掠得子女數十閉之空室令調元守之調元放之而身亦乘間脫歸事親誠孝寓館中有竊其衣物者知而弗言康熙三十年西安饑有馮盡者出外其妻爲父所鬻一日相遇夫妻對泣不忍捨調元出銀贖歸之

甘肅通志

卷三十八

孝義

四

西寧府

明張文學字元素西寧人成化間以歲貢選山西隰州吏目爲官清廉有政聲居家長厚推誠待人藹然有

古君子風

張萊西寧人國學生性篤孝友父母有疾晝夜侍湯藥不一入私室居家以寬持身以儉處里閭以恕以子問仁貴屢封山東按察司僉事

皇清柴自建西寧人年三十妻鄧氏故遺子宗續甫二歲

別無婢媵誓不再娶躬親薪水茹檠訓子歷四十六

甘肅通志

卷三十八

孝義

聖

載

賀增壽西寧永安堡人豪俠好義和睦宗黨周急濟貧人多德之雍正元年逆夷羅卜藏丹津寇北川官兵赴討時天氣嚴寒增壽以皮衣三百餘件散給守禦兵丁又捐大布二百餘疋縫袋盛土置之城闕蔽賊矢鏃兵有所恃城得保全

楊永華西寧人賦性仁厚樂善好施夏捨鎌鏹冬捨衣袴康熙四十一年歲饑道有餓殍華煮粥醫藥毫

無倦色於無主屍骸捨棺收葬以千計市井中有貧

不能葬者捐資瘞於所置義塚凡婚喪乞貸者應之
並不取償壽至七十一歲端坐而逝其子太學生志
遠亦克繼父志

馬雲龍字御霄寧邑太學生性篤孝友五世同居相
睦無間言且輕財重義樂善好施每春耕時散種於
鄉貧者不取值康熙四十一年歲饑米價騰貴龍盡
出所積以濟貧乏賴以全活者不可數計設家塾延
師以課宗族子弟遇有差徭龍獨任之不使累及鄉
鄰見人鬪訟諭以情理曉以利害排難解紛必不使
甘肅通志

卷二十八

孝義

聖

爭訟鄉人重之

直隸秦州

元畢也速答立迷裏氏元時家秦州父喪廬墓次晝夜
悲號有飛鳥翔集墳土踴起之瑞

明王 英秦州衛軍少孤事母孝母卒英廬墓所跣足
負土者三年時暴雨害稼墓側禾稼無損有司上其
事旌表其閭

謝繼昭秦州人父卒繼昭廬於墓哀慟悲號三年如
一日乃有馴鹿產芝之異有司以聞詔旌其閭

夏 時字尙寅秦州禮縣庠生事母孝母卒旣葬遂

甘肅通志

卷三十八

孝義

三

不問家事獨廬墓側穴寢匏食僕供薪水者亦不許
入墓所每鷄鳴戴土於斗跪敷於塚塚大如屋初葬
鳩傍穴爲巢將禫免孕於穴人以爲誠孝之感州守
表章其事後以貢授叙州府照磨

丁 儀秦安人父秦官知事歸儀日侍左右父嬰疾
醫藥無效儀惶懼求代乃號泣於天百拜以禱因割
左股以進父疾愈

張之渠秦州人參政潛子嘉靖癸未舉於鄉卒業國
學歸省夢母病兼程抵家母病延醫衣不解帶禱天

以身代母歿哀毀踰禮既葬冬夏不扇不爐雪夜伏
墓而泣墓所有烏鳥群集泉水湧出之異

潘 弘秦州人成化間隴右饑弘輸粟千石有司聞
於上勅賜冠帶

孫居業秦安人幼失母事父孝敬備至廬墓二年奉
文旌表

安期晟秦安廩生賊陷城以身護母被賊殺害

蔡廷棟秦安人明末奇荒罄家所有得粟百石輸官
賑饑事聞詔旌以仁人立達錫命冠帶

甘肅通志

卷二十八

孝義

蜀

雍 周清水人有才畧善經營白手致萬金賑困救
急扶助才俊之士著名隴右嘗行遊天下訪交賢善
惟以惠施廣濟爲務貧者至折券雖千金不顧廵方
使聞其賢欲表以官固辭不願令畫工繪其貌持以
厲俗及其歿也萬金已罄家貧自若

項 謙清水學生少喪父事母至孝母疾謙割股啖
之母終廬墓三年旌表

張孔教清水庠生父喪明母多疾孔教侍左右未嘗

少離及卒廬墓三年

雍浹宮清水岸生事親至孝及卒廬墓三年鄉人稱揚邑令旌表

康天保清水岸生居弓門寨賊尅其堡以威脅之使從大罵不屈死兵巡副使爲建塚有生氣坊

馬班才清水書生居代家堡強健有力善騎射賊破其堡欲脇以從痛罵不屈賊怒縛于樹樹爲之拔亂矢射之至死罵不絕口

邱陵清水巧者爲賊所獲逼之攻城罵曰要殺便殺我不攻我城賊殺於城下

甘肅通志

卷三十八

孝義

十一

趙一岩禮縣人以選貢赴監監期止少一日聞母訃人勸次日舉哀監事滿矣一岩不從歸廬墓三年一方推重後仕絳縣主簿

馬根學禮縣人流賊作亂獲其父應勛將殺之根學泣告曰請以身代賊從其言竟殺之

任希夔徽州人正德辛未流賊劫掠城幾陷希夔獨呼隣人陳鸞等登城與賊戰竟日殺傷甚多賊幾退中流矢死御史以聞命下旌表

梁基恩陳邦登俱徽州義勇明末率兵逐賊至白水

江衝破敵鋒多所克捷後深入重地遂被害憤罵不絕有司旌其門曰真男子

楊其昌何養德俱徽州武生流賊犯境率義勇何獻祥等戰於銀杏舖賊大至圍之血戰愈厲矢盡被害有司表之

皇清梁必擢秦州人家傳孝謹五世同居時人以方張公藝必擢亡妻陳氏主家五十餘年長幼百口咸相敬愛無間言

吳殿契秦州人性長厚時鄉民劉弘失銀契拾還之

甘肅通志

卷三十八

孝義

梁

一夕聞穿壁聲意必某爲盜也因呼曰天寒胡爲此或饑餒莫支明朝來資汝汝去我不汝洩嗣出城晚歸遇劫者數人于道一人前急止之曰吾恩人也毋相逼且拜謝不洩恩因諭其人勿復爲盜兼給以貲其人感悟卒爲善類

明張文貴文縣人洪武初補百戶張轟因逼亂挾爲謀主不從與弟文富同被害弟文才陰與居民馬彘者軍人巨伍兒倡率土人捕轟亂遂平洪武二十八年以功陞千戶

卯應辰階州人垂髫知孝母杜氏卒哀毀踰常廬墓三年飲食服用皆純素每食必涕泣嘉靖間御史臺遣使慰問旌其閭

喬挺成縣庠生性至孝總角時卽知定省鄉人譽
甘肅通志 卷三十八 孝義 七

之父母旣歿泣血骨立三年不出戶窺園旣葬廬墓每日負土積塚時有白兔繞其塋有司聞於上賜之冠帶邑皆以孝子稱之

李晉文縣貢生任宜陽主簿事孀母以孝聞及終哀毀過情祭葬如禮三奏闕下告陳親節得建坊旌表人稱其孝子思忠性亦純孝途聞母訃一慟幾絕水漿不入口者七日哀毀骨立三年如一日以此抱恨終天朝夕不離父側依戀如嬰兒人稱有父風

楊忠文縣人其父爲賊所執挺身赴救父得脫忠

遂爲賊所鬻殺

李碩馥文縣人性至孝父死三年不出戶庭斷酒葷
哀毀如一日事母備盡孝養舉德行

蘇 藩成縣人年甫三十妻亡不再娶或勸之藩曰
娶妻爲後也業有子矣復娶何爲子身居室四十餘
載非禮不行教子課孫一堂五代鄉族稱爲義夫公
舉鄉飲各官旌獎免其雜徭壽九十三歲

魏 瞻階州人家貧鬻取以養親親所欲必竭力奉
之親歿廬墓三年未嘗返室

甘肅通志

卷三十八 孝義

吳

徐應麟階州人貢於鄉以孝聞父母亡哭泣躄踊水
漿不入口者數日葬廬墓三年蔬食飲水奉旨旌曰
榮旌實孝

李自英翟化鵬俱階州生員明末李賊陷階州罵賊
被害同時死者有貢生趙維新李桂枝徐養氣劉顯
名苟大魁五人生員則有趙茲祚馬大亨司寧汪得
溥孫振業蘇民泰楊州牧郝升高馬呈圖郝升遠劉
應龍董園士司儋趙人龍趙思賢巨卿徐景思徐景

曾徐景孟凌熙秦冠來源趙朱正趙州牧賈邦偉蹇

恒濟邢必動二十六人

王賢階州人年十五喪父事母以孝聞家貧棄儒商吳楚間累致千金性豪俠喜施予有貸貲貧不能償者卽焚其券里中構訟遇賢輒解人高其義

葉見陽文縣布衣家徒四壁安分無營循循雅飭古貌古心屢舉鄉耆不受享年百歲

權本時成縣國子生任東平州判轉經歷回籍遇賊陷城力抗不屈賊誘之降大罵不休賊怒遂亂鞭而死

甘肅通志

卷三十八

孝義

兗

邱惟嵩成縣歲貢賊破城力敵不勝而死

武述文文縣廩生流賊攻縣甚急邑人奔逃文混出城外傍視無母輒泣卧地旋挺身入賊夥扶母而出賊逼之罵賊不屈母得全述文被殺

李元朴成縣人舉癸酉鄉試七年城陷朴與其父廩生華國俱被繫父子抗罵不屈賊滅其家

直隸肅州

唐薛萬備居母喪廬墓太宗表其門任至左衛將軍
明芮攀龍肅州衛人父承誨早逝龍奉母至孝朝夕起

居未嘗離側孺慕之誠有如一曰

顏 秩肅州衛人年三十歲妻亡誓不再娶處家有
序教子有方鄉人稱爲義夫

顏希孔秩之孫幼凜家訓奉祖三十餘年未嘗少忤
鄉人稱爲順孫

甘肅通志

卷三十八 孝義

五

